

EDITOŃO MME UBIERIKPE KE EGYPT

Exodus 7:14-25; 8:1-19
OYOHQ UKPEP-NKPO 53

Eke Mkparawa

IKO IBUOT: “Edi ata nkpo ndik ndiduo nsine ke ubok Abasi emi odude uwem” (Mme Hebrew 10:31).

Israel Emi Ekeduokde Idorenyin

Ke ini Moses ye Aaron ekebeñede Pharaoh ete ayak ndito Israel eka ke akai-ikot isan usen ita man ekewa uwa eno Abasi, Pharaoh ama ayat esit onyui esin ebeñe mmọ, anam mmọ ededioñ enam utom oson akan nte ekesinamde ke akpa. Ekeme ndidi ndito Israel ema efuhọ nte ekedade utọ ekikere emi edi koro mmọ ema ebọ ufen ekan nte ekedide ke akpa. Ndusuk mmọ ema ebup ete edieke Abasi okpoyomde ndifak mmọ, nso idi ntak emi Enye mikanamke ntre ini kiet? Edieke Abasi edide andinyene odudu nkan, nso idi ntak emi Enye mikanamke Pharaoh onyime ndiyak mmọ eka? Onyui edieke Pharaoh okosonde ibuat, nso idi ntak emi mikodorokede enye ke ebekpo ifep inyui ibiat ukara esie?

Edi Abasi ama odohọ Moses ete ke se ikpode ikan edisana Ndito Israel nyak mmọdo. Mbon Egypt ekena nte efioke nkpo ebaña ubon Abasi akpaniko ke adañami Enye ama okokure edinam Esie ye mmọ Ndien ndito Israel ekenyene ndibo ata akamba edidioñ edieke mmọ ebetde ini Abasi ndida mmọ nworo.

Eno Utip Oto Ke Ime

Ndusuk ini nnyin imesikpa mba ke adañami ibetde mme enwono Abasi ndiworo nsu, edi mkpa mba idighe se ifonde ke enyin Abasi. Enye ofioke se ifonde ikan, ndien edieke nnyin ikemede ndibet ini Abasi, Enye eyenam edidioñ Esie edep ono nnyin. Nnyin imenyene uwut-nkpo emi ke uwem Elijah. Ke ini Jezebel, obon-anwan okoyomde ndiwot enye ke edisobo emi enye okosobode mme anditiñ ntiñ-nnim iko Baal 450, Elijah ama efehe aka ke akai-ikot onyui ebeñe Abasi ete anam imo ikpa. Enye ekekere ete ke imo ikpon isuhọ emi imade Abasi, ke ntre ikpanaha imo isuk ika iso idu ke ererimbot. Edi Abasi ama enyene mme ikpo nkpo ke ubet-unim-nkpo Esie ono enye. Akpa, utom ama osuhọ ono enye ndinam: Abasi ama odon enye ete ekeyet obufa edidem aran ono Syria, ye edidem efen ono Israel ye Anditiñ ntiñ-nnim iko emi edidade itie esie. Ndien ke oro ama ekebe, ema emen Elijah edok ubon-ubon; enye ama aka heaven ke ukpat-nkpo ikañ koro ikanaha nte enye atabi mkpa. Edieke enye ekpekenyenede usuñ esie, enye okpokonyui akpade ke ini iduo-esit esie enye akpakataba utibe edimen ndok emi, emi edide kpa Enoch ikpon ke ekemen edok. Se oruk edidioñ eke nnyin ibode ke nnyin ibetde ini Abasi!

Esono Esit Oto Ke Edisin Abasi

Abasi ama ono Pharaoh kpukpru ifet ndikabare esit nkpon akpa ekikere esie. Nte Obon etetiñ osono ye anam-idiok ntre ke esit esie akabare oson edieke enye minyimeke. “Owo eke ewakde ndiduari enye, ndien enye oson obot iton, eyebiara usop-usop, ndien ididighe nte ekokde enye” (Mme Nke 29:1). Ntem ke esit Pharaoh akaka iso ososon adaña nte enye akakade iso ndisin mkpe-ubok ikot Abasi.

Esuhore abasi-Nile

Abasi ama odon Moses ete aka eketiñ ono Pharaoh abaña akpa ufen eke enyenede nditiene ison oro. Kpukpru mmon akana nte akabare edi iyip, ndien kpukpru iyak enyui ekpana. Nnyin ima ikop ite ke mbon Egypt ekesikpono Inyan Nile koro idorenyin uwem mmọ okodu ke ndida mmon oro nwari ke inwan mmọ. Nko mme usuñ ikewakke, ndien Nile ekedi ata akpan usuñ mmọ. Ema esiak mme usuñ mmon nte udiana usuñ nko. Nte Ndito Egypt ekenyui ekponode ediwak unam, unam udia mmọ akawak ndidi iyak. Do nnyin imekeme ndikut se ikotibede ke adañemi mmon akakabarede edi iyip ndien iyak enyui ekpana. Ke akpa ifet, oro ekedi edito abasi mmon mmọ ita. Nte idighe abasi mmọ okoson odudu akan abasi mbon ifin Hebrew? Abasi Nile ndito Egypt osuhore ke esuene ke iso edimenere esan Moses; mmon ema ebiana inyui ifonke se edade enam nkpo; iyak enyui ekpana, onyui anam mbon Egypt etaba ata akpan udia mmọ.

Etie nte usuñ kiet ama odu ndida nnyene eti mmon, ke nditibi ison ke mben akpa. Mbia-idiok ema eka iso edomo ndinam ukem mme utibe-nkpo Moses ye Aaron, ndien itie edikot-nwed nnyin etiñ ono nnyin ete ke mmọ nko, ema ekeme ndinam mmon akabare iyip ke ntre ana edi, mmọ ekenam utibe-nkpo mmọ ke mme obube mmon oro. Se nte odudu mmọ ekekpride onyui ememde ke edade edomo ye se ikot Abasi ekenamde! Edieke mmọ ekpekeyomde ndiwut odudu mmọ, mmọ ekpekemen ufen oro efep ndien ekpenam mmon ototo ntak ofon edi mmọ ikekemeke ndinam oro.

Ufen emi mme owo ekebode ikotukke esit Pharaoh, ndien ke utit urua kiet ema emen ufen oro efep. Edi ufen efen ke okosuk ededi.

Mme Ikwot

Qyohq ufen iba ekedi eke ikwot. Emi nko ekedi enwan ke ufot abasi ison oro ye ata Abasi emi Moses ye Aaron ekedade ke ibuat Esie. Nditq Egypt ema enyene abasi emi ekenyenede ibuat ikwot, ke ntre mmq ikpekereke ndiwot mkpri awawa unam oro.

Okposuk ekedide ntre, ke adanaemi Abasi okodonde ikwot ke kpukpru ebiet ke ison Egypt, nditq Egypt ema ekut ete ke idifonke ye mmimq. Mmq ikekemeke ndidomo ikan ke nkpq utem udia mmq koro ikwot eyebuaha ke ndom uyo ke ini mmq edomode ndinam uyo, ye mbit-mbit idem mmq, nkpri unam emi eyedok ke nkpq-nna mmq ke ini mmq eyomde ndide idap. Ndusuk ke ini oro mmq ema etonq ndiyik ete me ikwot osuk edi abasi, Abasi ama odohq ete, “Ndien nditq Egypt eyefiok ete ke ami ndi Jehovah.” Mbia-idiqn ema enyūn ekeme ndisioño ikwot, edi mmq ikekemeke ndibiat ufen oro mfep.

Eketie nte ke ufen emi ama oyom ndida se ekeyomde ndi. Pharaoh ama okot Moses ye Aaron onyūn odohq mmq ete ekpe Jehovah ubok man emen ikwot efep, ndien imq iyeyak mmq oro enyqn. Ekenem didie Moses ndikut nte ke mmimq imakan ke enwan emi! Uduak Pharaoh ama abiara, ndien enye ama ekpe Moses ubok oyom mbqm, edi nsuhoridem esie ikebigike! Ke ndo-ndo oro ikwot ekekpañade ekubq ke ebok ke ebok, enye ama okpuhore ekikere esie. Ediwak owo ebqn akam enq Abasi ke ini mfina, edi ke ndo-ndo oro eti ini edide, mmq efre Abasi. Abasi ke okokut kpukpru oro, ndien mbqm Esie idikaha iso ke nsinsi: Enye ama odohq ete ke iyebiana ke ini ndik mmq edidide.

Ubierikpe Emi Ntot Mikoduhe

Ufen efem emi Abasi okodonde, ntot ikoduhe. Abasi esibem iso etin onyūn onq mme owo ntot abana ubierikpe emi edidide, edi edieke mmq esinde ndikpan utqn, ini eyedi emi Enye ediyakde ubuat-ubuat nsobo otibe. Emi esiwak nditibe ke eyo nnyin emi. Ini kiet owo ama etie ke ufok-Abasi ke usen ederi onyūn ekere ndiyak esit esie nnq Abasi, edi enye ete, “Idighe ke okoneyo emi”, adaha onyqn ke okoneyo oro. Mbemiso enye okosim ufok, unqm mkpa ama osim enye. Ukem oro nko ama onyūn otibe onq owo enwen ke adanaemi enye akadahade aka ikot edibqn akam; edi ufan esie oduri enye ada onyūn odohq ete, “Kunam ndisime.” Do ke enye ekesin ikot oro; ndien ke okoneyo oro, enye ama onyqn okoduk ke nsinsi ini ye unana Abasi ke uwem esie. Spirit Abasi idinwanake ye owo ke nsinsi.

Odudu Satan Enyene Adana

Idan emi okodude ke ison oro ama ofuk kpukpru owo ye ufene. O, se nte mmq ebode ufen ke adanaemi nkpri nkpq nte idan enyqnide mmq ke idem!

Mbia idiqn ema ekeme ndinam esan mmq ekabade urukikot, enam mmqn akabade iyip enyūn esioño ikwot; edi ke ini mmq edomode ndinam nte Moses ke ndinam idan odu, mmq ikekemeke. Mmq enyūn enyime ete ke se Moses akanamde okoto odudu ata Abasi, mmq ikenyeneke odudu ndinam ukem nkpq oro. Satan ye mme angel esie enam nkukure se Qbqn onyimedede ete mmq enam.

Nte ufen emi okosimde nditq Egypt ekenyenede ndik, ini ke edi emi edinwanade kpa ufen se ikponde ikan oro iduok ke ison. Ke Nwed Eriyarare, nnyin imokot ibana utq mme ufen emi, edi utu ke osim ibat-ibat owo ke idut kiet, eyenam mmq etot ke usūn eke enyenede ndik, ndien eyesim kpukpru owo emi ewonqorede ekpon Abasi. Nnyin inyene ndisana nkpere Abasi ke ofuri ini, man oto do nnyin idot ndibqh enyene-ndik nkpq eke editienede ererimbot ke ini Akwa Ukut.

MME MBUME

1. Nso ikedi mme ufen ita emi ekebemde iso edu?
2. Nso idi ntak emi ekedonde mmq?
3. Nso ikedi ntak emi ufen emi okotukde inyan Nile okodiokde akan?
4. Nte mbia-idiqn ema ekeme ndinam mmqn akabare iyip, nnyūn nnam ikwot eworo edi? Nte mmq ema ekeme ndimen ufen mfep?
5. Nso ke mbia-idiqn eketin ke adanaemi mmq mikekemeke ndinam idan eworo edu?
6. Nso ke unana ukeme mbia-idiqn ndinam ukem se Moses akanamde ke qyohq ufen ita ekpep nnyin?